



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一八四

課慎堂文集十四卷又六卷課慎堂詩集三卷課慎堂詩餘一卷 李興祖 撰

樂在堂文集四卷 陳悅旦 撰

雄雉齋選集六卷 顧圖河 撰

悲饑詩不分卷 竇克勤 撰

漁山詩草二卷 邊汝元 撰

南州草堂詩文十卷 徐 浩 撰

四六九

四一一

四〇七

三四三

二四五

一

課慎堂文集
課慎堂詩集
課慎堂詩餘

李興祖
撰

清康熙三十二年刻本 原書版框
高一八〇毫米寬二八〇毫米

李興祖 字廣寧，號慎齋，漢軍正黃旗人，鐵嶺（今屬遼寧）籍，所居有課慎堂。生卒年不詳。蓋李成梁族裔，以廕官部曹。康熙十三年（一六七四），出爲慶雲知縣。二十四年任沂州郟城、海州贛榆同知。歷官河間府同知、知府，累遷山東鹽運使。三十八年任四川按察使，四十一年擢江西布政使，四十三年以事休。工詩古文詞，好交友。有《課慎堂文集》、《課慎堂詩集》、《課慎堂詩餘》、《畹芸集》等。參考文獻：

《清代職官年表》、《清詩紀事初編》卷六、《（宣統）山東通志》卷七四

序

開國之初天必生戡亂諸賢以指疆土而繼世稍定卽爲天地闢經緯之資望飾民物故揆文奮武往往相倚而當其王氣所鍾則參墟豐邑每萃其材於一區將易所謂耨離以佐治而勤爲甲兵卽靜爲文明義取此矣我國家從龍之彥盡出遼海而青山李氏尤以大勳在

王室勒旂常銘帶礪父子兄弟皆杖旄負勳功名蓋天下迄於今卽以游仕莅九州牧伯不一而足乃廣寧先生獨擅文譽比之東吳之有平原江左之有康樂自通籍以至課績所至燕齊吳楚山川風物舉凡賓客之往來政治之

課慎堂全集

三序一

初編

得失悉有以見諸文章而形之賦詠風乎文章之能事稱極備焉往予在京師序廣寧所爲詩猗猗雋永趣昭而辭壯韻流鋒發嘆爲近代詩人所未曾有今則體裁既備卷帙更博自高津楚遊數詩而外益以耕齋元對諸草高文典冊合爲一集度幾哉滄海之洪觀矣易以山獄之尊下於坤輿名之爲謙而夫子誦其勞而不伐有功而不德顧往往以語言槩之故謙本從言而繫以德言禮言驗其恭謹今先生以課慎名集已極畀牧乃復由渤海專城東方千騎不憚越數千里惠示兼本索一言以題其篇何善下也夫物薄而用重者卽謂之慎功大而語下者卽謂之

謙故勞謙撓過每至贊易者並提而論而先生之集有以兼之讀先生之集而不嘆爲德言之先資高文之厚藉豈人情矣

康熙庚午春仲西河弟毛奇齡大可氏頓首敬題於西湖之長耳禪院



課慎堂全集

三序一

初編

叙

余觀韓樞圭當官條奏范文江淮延州劄記推誠砭妄原本雅故濬彞承學即使老生曰礪未能道其隻字題知窮而後工爲文士飾詞非通論也時官山左負韓范重望以文章經濟並傳中外者一爲觀察喻公一爲轉運李公慎齋先生觀察才雄多不存彞先生心細手自編次褒然弓帙余來歷下授以卒業演嘆先生人非今人之詩若文之工非今人之工也先生世銘五熟孺弟子姓各躋華臚繇良二千石位至監司行復大任先生清真廉辨不動聲色弊埽實塞餘又恢恢揚芬挾藻又率提燕望許參伍

課慎堂全集

王象一

初稿

飽謝出入變化於唐宋大家踔厲風發無體不備夫以先生所賦之才所履之地稍自恣放疇復議者而先生則自顏其堂曰課慎并以名是集余每過從輒見簾閣蕭閒予史環列丹黃披校丙夜忘倦與之茗椀相向不翅澄潭止水官况之清壹若文境之潔而尤內行淳備兄友弟共執禮傳經庭誨肅穆出詞吐氣惟恐傷人其於民物身心無之而非課卽無之而非慎所得肆意者獨搦管爲文耳先生且欽才就法慎於體裁假物摠情慎於寄託慎學殖於醞釀慎精神於結轡渾淪盤礴慎而不蹈蛙噪蠅聲曠逸逶迤慎而絕無鼠穴兔徑行間言外在在謹嚴然余則以

爲先生結撰惟慎之至乃卽其肆之至者蓋易謂修詞立其誠誠卽慎也元稹謂少陵苟非有爲而爲則文不妄作不妄作卽慎也試問極天下古今文之奇肆孰有如易詩孰如少陵者乎嚴謹之極幻縱生焉以故先生惟慎於繩墨始肆於理道慎於章局始肆於精采慎非徒慎工亦非徒工矣知此則知爲文爲詩與爲韓爲范實同一根柢矣惟是先生身名通顯猶爾如是孳孳自課不已奈何吾儕畢生牖下徒工於窮而甘心荒落更有以蛙噪蠅聲自謂釣天鼠穴兔徑目爲廣廈者所履之窳境固同實則非我族類心知先生無責其於旣識步趨力孱氣弱有若余者

課慎堂全集

王象一

初稿

未識百一振策之否耶

康熙癸酉歲清和月望前二日繡水王槩頓首撰



序

昔余佐樞時與今容卿李蒲陽公相友善凡六七年未嘗不日共游處其時諸曹郎競以健決相尚務為趨捷以見長而公獨坦白平恕當為不可易之論以衡其理於至當莊莊乎其士油油然其君子也余重其雅量遂以為同志同道之交十餘年來其同時寮案多早擁節旄而公循回

泐藩臬數歷遐方清約詳慎以忘其職守其於仕進之際泊然無所動於中

報

課慎堂全集

孫序

初編

寵遇此其品識宏遠古大臣之風烈何以加焉前年其仲氏廣寧先生來督東省嵯政余向者聞聲相慕至此始伸既觀之思見其樂易近人被服儒者心竊異之夫動容周旋雖出天性至於藹吉之風彬雅之度必其道氣沉澹積中形外非可強而能也既而綜理政務秩然以肅揆之成法準諸人情廉慎自持而庶事克舉以其才餘於事故不勞而理也蓋先生幼能力學嗜古如飴及登仕籍吟誦不輟幾幾乎讀等身書書碎安石之金矣上自往昔以迄今茲正史軼編無不博覽古人之姓名事蹟賢否成敗如數一二而別蒼素其為詩與文格律既高意旨復遠摹芳蕙

苑囿學海之清瀾頓轡詞場聳筆鋒之峻岳自非名理洞徹本深末茂豈能至於此乎余觀敷胄之家亦多聰明傑出之材然而貴則易矜泰則易侈習尚相沿勢所不免而先生意氣醇篤德隅抑抑親賢取友古訓是式以學問養其性情以經術澤其政事是以動能服物所至見功將從茲弘濟之猷公輔之業皆於是乎取之言乎體用斯以備矣今將以其著作授梓一再披讀諸體咸具衆美畢臻能涉其津涯而不能窮其蘊奧豈徒以標勝詞章炫能聲律而已乎余既喜獲交二難故樂得而敘之不禁其言之長也

課慎堂全集

孫序

初編

康熙癸酉季秋之初治年家眷弟孫光祀頓首拜書



序

惟天地能生才惟君相能用才才之用於君相者有盡而生於天地者無窮環奇倣儻之士其用則風雲際會霖雨蒼生一不遇則坎壈落拓自放於山顛水涯抱負無所試不得已而寄意於詞章若沅湘香草之句杜陵魚鳥之篇皆有託云然而不知者祇以詩人目之此才之困於不遇者也其或懷文抱質手握雕龍宜若可以馳驟者而一行作吏沉淪簿書錄心繡腸被十丈紅塵一丸泥封固此才之汨於既遇者也夫有才不遇無論矣遇而或奪於吏事烏在其為真才歟世有真才如萬斛泉源隨地自湧當其

課慎堂全集

彭序一

初編

瀾翻噴薄不可遏抑未嘗以泥沙壅闕失其汎濫奔放之勢若是者我於郡憲李先生見之先生起家遼左影華纓而蹴朱輪牀笏常滿當先世功名鼎盛不愛金錢幣帛招致天下文學之士與羣從子弟友以故玉樹扶疎人皆王謝先生幹畧恢弘既諳練當世之務而以涖民餘暇畱意聲詩祐初來瀛嘗讀先生所著鬲津稿澄泓韞輅直與古大家頡頏及聞佐郡東魯吟咏益富去年秋下車瀛海士大夫耳而目之曰是昔時無棟神君我知之慕且戴之非獨治邁龔黃也其文采風流必能化燕趙為鄒魯既而公餘燕閒旁及風雅謬以祐為知詩者示以課慎堂全集

之釐定將授制廟祐受而讀之字斟句櫛匠心工妙以視

鬲津初稿竿頭彌進善乎少陵之言曰老去漸於詩律細惟細則研精入微不賾尋常行墨先生年方強仕而詩律入網蓋天分人力二者兼優故絢爛錯繡絕無餽釘之習無論沉淪簿書輒汨其摘華撝藻之樂者不敢望其項背即向所為山顛水涯窮年耗歲以求工聲律者亦未見其能勝是可見天地之賦才於先生為獨厚矣祐不敏少承先侍御訓亦嘗作為詩歌珍幣常以千金不自知其固陋今讀先生詩惟有輟翰佩服悔少作之都非耳烏能贊一辭哉夫魯直不敢注杜詩介甫不敢序歐公五代史乃弁

課慎堂全集

彭序二

初編

鄙如祐而敢以據批導者則以先生虛懷若谷忘其崇卑之分而相與商畧千秋知遇尤溪云爾

康熙庚午初秋日瀛海吏華亭彭開祐拜撰



序

人之負慷慨堅確之氣者率與時齟齬而不合故于仕途亦坎壈杜工部以挺出之才未登要路虛其致堯舜淳風俗之志窮愁有骨流注篇章人賞其詩之工而不知其人之可大受也李郡丞廣寧俠腸義性生不循人顧幼遭艱虞四歲失恃兩值生母之難抱李泣蘆僅存殘息已而得臧太夫人慈庇始獲成立故其於太夫人之喪哀痛慘戚想顧復之恩若不欲生是其動忍之情磨礪已素矣及讀書銓選仲舒三策當輜盛推遂列前茅京宦十年正氣不阿外補專城七載拮据撫嬰拔薤懸榻飲水備見卓犖去

謙慎堂全集

王序一

初編

之日攀轅臥轍者百里不絕亦足見其一班之能矣歸舍綰絰中躬訪予項里爲慈親誌墓因受學門牆叩其所蓄蓋大受之器世無見知者服弄雕蟲特其寄焉者也數月以來朝斯夕斯坐圍萬卷每舉一義靡不切中機要相視而笑罕以喻人不獨敲聲戛韻浪蕩詞場而已燈餘飯罷間取其稿本刪定若干藏之篋衍後此則未可量也至於經文緯武之畧用人行政之宜將大有所成就杜子美所謂致君堯舜上再使風俗淳者于斯人乎是期姑且與之言詩而已矣其齟齬坎壈之遇則爲國擇人者操其柄固非區區之所敢知也要其慷慨堅確之氣久而益勁溪而

愈化尤望於遺編中求之

崑

康熙癸亥小春日五公山人王餘祐述



謙慎堂全集

王序二

初編

序

往余奉

命有事關里道瀛海時余弟椒崑適幸瀛頗有聲於瀛渤間其上官亦時推獎相見甚慰是年秋擢守瀛者爲銀城廣寧李公公本名閔才宏學茂久爲中外推余心儀其人已數年公治瀛廉聲偉績早騰

輦下余益思慕之又念以公之才之政表率於上余弟縱能自飭或僅告無罪恐不足副公望得與公欣賞也及弟家郵時至則盛述公之廉明蒞治嚴正率屬環瀛數百里歌袴迎竹者旣人人髓浹亦謬許弟之才且廉提獎踰量

謙慎堂全集

並序

初編

一歲之間再列上考公餘燕閒復引與商確風雅則又以余弟爲知詩者出其全編俾肆觀覽余聞之欣忭感駢交縈於中自惜距瀛踰十舍不能如向者行歷其地得登公之堂接公丰采快誦公之詩因爲余弟頌知已德也于是思之慕之日益深而公以治行高等承

特簡司嵯於齊較瀛州地益遠余弟復遠所知私心依結迄今又三四年今年余弟幸量移急走謝公公又謬以余爲知詩者遺之以詩復盡出其生平所著千里寓書并命爲序余捧緘大快旣快生平所心佩而未獲見之人忽焉飛翰投瓊幸矣且不鄙荒落俾得窺全豹抑更幸矣及展

讀之下無體不備無美不臻逸想靈冲新華點染想見搖筆騁詞如泉湧風發斯固所稱近風雅而攀屈宋者與昔元稹謂李白詩壯浪縱恣擺去拘束模寫物象差肩子美然則論詩者公固有家法在也至若李太和宴歷下亭與少陵康和千載美談今聞公重葺是亭吟咏日富追蹤北海余非少陵愧不得追陪亭下含毫唱酬然而明湖環碧閒愈令數餘年思慕依結之私時時神往也序詩而止言詩蓋幸公之以詩教而余將得以詩交并愈念余弟之受知於公者不止以詩也故因余弟再謁爲書簡端以報之

謙慎堂全集

並序

初編

告

康熙癸酉長夏鹽官弟彭孫過拜草



序

文章者性情之能事也性情本乎天而能蘊藉以出之斯則學問之力也然亦貴各極其量而天下古今之能事始畢君子入而敬業出而服官經以畜德所以養其哲史以鑒事所以益其智山川之氣吾足以發之民物之懷吾足以達之天地有自然之利吾爲民治之古今有各變之勢吾爲民營之風有所感而成聲水有所動而成文星雲恣其變化草木吐其英芬若有不知其所以然而然者皆性情之所不可強而能者也余於慎齋先生李公有感焉孰衰殘樸魯如本也者素於臬憲喻公正菴聞聲相慕廿餘

課慎堂全集

戴序

初編

年遼邇未敢一面今以飢驅適造歷下則以余黟山老友聖駟相依未忍釋耳卽王子汾仲也汾仲因正菴獲與慎齋先生對擁皋比共數晨夕頗愜應求之樂一聞余且至慎齋先生顧肩折節亦若正菴飲食教誨其歡踰分知己之遇詎不奇哉竊心儀慎齋其人溫厚和平得性情之正左右圖史季鍛月鍊窺其著作甚富間一一請而讀之而先生固歆然自得也詩則甄高岑王孟而掇其華諧以唐音亦叶宋調體物宣情歸於正則賦則轅班揚軼使鮑而逸其致論序率源經術傳記足徵史才語皆真摯而婉有餘蘊蓋先生名閻華胄世篤忠貞秉德純粹得之乎天者

固優而復治行靜淡充之以學者愈大方以貫通之器而游衍於執圃以爲樂豈涯涘所可測其造詣也哉將見不朽之盛事當更赫奕於鐘虞茲特其先聲云爾
康熙癸酉歲蒲月歷陽布衣廬阿山樸戴本孝拜撰



敘

五音與五正相宣六律與六氣同調律調而音叶發爲文章所以緣飾政令也三代以前民風勿穆政治淳龐是以元音具在文質而不浮迄乎戰國龐秦縱衡刑名之說起矯詭麗穠家自爲風人各立體文雖勝而實亡漢魏六朝正變迭陳龍門西京最爲近古壯麗峻偉越乎百氏崔蔡劉歆淫淥漫漸離正始潘陸顏謝組織雕鏤遂歸荒靡汎溢而至於唐始振頽波砥狂瀾燕許創典於前韓柳皇甫諸君開宗於後操觚家溯流尋源方歸正派沿及五代土宇紛裂三光五嶽之氣分紫色蛙聲瞋目眩耳積牛棟

課慎堂全集

王叙一

初編

而至於宋有力者芟而彙之歸於統一歐陽王曾諸大家奮興蔚起若繁星麗天芒寒色正奇衰之焰以熄遞及元明嗣宗續祖者代不乏賢率皆振古寡儔垂今無統雖若崆峒滄溟雲間白下而唱不再和軌不方輿豈繼響者之難抑亦運會使然也惟我

皇清景運新開文明再覩昭回之光下燭萬有文士爭執所長應司徒之選蒸蒸虎觀龍池矣廣寧李公以金石名裔束髮登

朝秉柔翰而踐文昌幾十年所出治嚴邑大郡歷今轉運又二十載其治績官箴載之誌乘者所在皆然公幼敏悟

絕倫臨事決機無停思人咸以張九齡劉晏目之甫弱齡出使萬里尊重君命懷柔遠服雖居貴介而脫畧華美服勤儒素平居手不釋卷韋編木榻絕而穿者凡幾積功累行未嘗少沮又能虛懷下問交納賢雋士執一技來者驟進而禮之飽其欲而去所以廣攬博采以成其大如此其居官平恕潔已愛人未嘗輕用刑威凡所設施必規模乎前哲不褻私臆故其爲文取質於六經徵才於子史而且春容有度緩不傷曼急不傷和仁義之言藹如也詩賦則源本騷雅而兼使鮑之長王孟錢劉之清遠每當政事之暇燕會之餘凡山川雲物花木禽魚與夫登高送遠臨流

課慎堂全集

王叙二

初編

感逝有觸於心必於詩焉發之此事屬詞暢所欲言而止不詭秘以傷體不凌駕以害格韻悠颺而神冲逸其得風雅之正者歟今之諛淫和遁者不自知其腐心穢胃而欲以嚙語魅人於醉臥之頃曾不虞其醒之怪怒也安得公之大呂元音而急震之使其知悔而歸正覺嗚呼亦已晚矣余之遇公也最晚公不以余老耄而登之膝胸寒分燠者已二年始得悉公之爲人與學問文章今將梓是集而問世余雖陋何能已於言耶故贅數語於末端云

康熙癸酉長夏古黠後學王楫頓首撰

王楫

王楫

一

鑒定姓氏

清苑郭快菴先生

華亭沈克齋先生

倚氏魏環溪先生

新安崔玉堦先生

丹徒張素存先生

平陰孫作庭先生

新野彭羨門先生

新野王介祺先生

新野蕭介石先生

課慎堂全集

姓氏一

初編

衛爾錫先生

汾川唐豹崑先生

選訂姓氏

華亭錢越江金甫

海鹽吳克菴自肅

臨縣王汾仲樸

蕭山毛大可奇齡

黃安張石虹希良

新安湯湛子爾淑

任丘唐壽公塏

華亭彭年緒開祐

會稽周廷傳作樸

課慎堂全集

姓氏二

初編

新安魏建六一燕

縉水王安節渠

德清談震方九乾

高郵夏大夏

武進蔣玉澗璫

錢塘吳寶崖陳琰

蕭山王慶草

上元徐西澤天澤

容城張子

廣塘王清修

清代詩文集彙編

課慎堂文集總目 散體

卷之一 序

卷之二 記

卷之三 論

卷之四 傳

卷之五 行狀

卷之六 志表

卷之七 書

卷之八 廢廣

卷之九 引

卷之十 解

卷之十一 辨

卷之十二 說

卷之十三 跋

卷之十四 祭文

課慎堂文集

總目

初編

課慎堂文集卷之一

序目錄

續修慶雲縣志序

褚笠斐錫光錄序

震青蜀中雜記序

壽獻陵清園白明府序 代

五公先生文體適用序

送予先張明府序

賀李君榮相禮賢宮序

劉襄哉詩集序

賀朴園李明府生子序

呂梅樞藏愚廬詩序

四十小照自序

賀周文仲五十壽序

送贛榆君拱柴明府序

許長文詩序

周氏譜序

壽陶錦叔序

壽鹽臺顧公序

送大司馬佛公總督川陝序

海月樓集序

古硯溪詩序

歷亭詩文會編序

新安胡殿章家譜序

歷山唱酬詩序

彭孝緒萍遊草序

王汾仲江栖閣詩集序

卷之一

初編

課慎堂文集卷之一

序

銀城李興祖廣寧著

受業陶

岐文治

古醫王 楫汾仲定

男

蘇又白

續修慶雲縣志序

一朝開創必有度越前代之規模彪炳史冊而政教號令之頌文物聲名之盛下逮薄海郡縣表章揚厲勸爲邑乘所以志一時人事備後世鑒觀甚鉅典也甲寅春仲余受符慶雲見城大如斗民稠迫甚境內疆域則鹽山處其北東南俱錯壤山左崔苻嘯聚出沒無常氓庶惶惶商旅裹

課慎堂文集

卷之一序

初編

足因憶慶邑屬滄州爲漢渤海地前賢龔遂守茲郡曷以使民賣刀劍買牛犢哉時代雖遙而流風遺迹未必無一可攷者乃訪求縣誌期悉古今沿革土俗民風及利弊興黜洎得一冊披閱之條分縷析事蹟犁然即如額定地畝諸版籍兵燹後豪族侵隱缺額一百九十餘頃每歲攤馬蘭邑飲害斃斃子遺救死不贍奚暇治禮義哉蚤夜憂思亟圖安全之策歲丁巳奉有州縣官履畝例遂躬親丈勘誥戒多方清出地畝四百餘頃即以補缺額外餘二百一十六頃有奇冊報徵租今則戶無包賠人安耕鑿矣復爲嚴保甲責巡防勸善懲惡昔之惶惶者今復安枕裹足

履坦途矣於是捐俸鳩工建社學費序左側延師設教啣晤聲洋洋盈耳樓榭菁莪之化庶幾拭目俟之會今時和年豐皇上開史館纂輯一統志徵天下新舊邑乘余因前所未備者聊爲修舉大抵慶邑民悍而野土樸而敦俗不修文而亦知好義人或輕法而猶樂輸將且也城無磚甃屋無瓦蓋鄉無奇產地無古跡無玉帛之玩無聲色之娛無獄訟之繁無兵馬騷擾使客舟車之擾如昔坡公所云觀風者可以知其偏隅僻壤亦未必全無可採若夫因時制宜隨俗起化以愛養斯民期不負斯職不負朝廷設官分職之意蓋不能無厚望於後之君子云

課慎堂文集

卷之一序

初編

褚笠叟錫光錄序

余自甲寅歲莅任無棣卽聞鹽邑有笠叟褚先生然而鶴化者已三年私恨仕非其時不獲親炙其人猶幸得耳其遺行辛酉仲春令嗣澄嵐執錫光錄示予因丐余序余愧寡學少文詞兼爲俗吏羈冗辭再三澄嵐諄懇如初及閱集中詩詞皆名流碩彥追輓先生生平行誼語云見善如不及予何敢以謏陋辭於是卽就所見聞者而膚述之先生前志經史學問淵博以明經授別駕似可少展素蘊而志樂安恬篤倫常終身不仕撫兄孤如已出數十年共炊一甑不忍析業至於杜跡干謁施濟戒銘之類率皆有闕

諫慎堂文集

卷之一序

初編

名教晚年登泰岱拜闕里放浪山水間一以詞賦自雄嗚呼先生真有終身孺慕敝屣軒冕者矣有伯道高風猶子北兒者矣有麥舟之高義視知交如同命者矣有太白登岸之胸次視身世如浮漚者矣跡其行事莫不軼塵拔俗與古爲徒余因閱其文而慕其人而益溯其流風宜爲有道者所追憶而弗諼也乃知人非德不顯非孝不能揚其親於後世先生之嘉言懿行固人人所共曉如日月之在中天而澄嵐之孝思亦足爲名教之所重矣

震青蜀中雜記序

余少官部曹兢兢奉職罕所聞見時於公事之暇翻閱輿志諸書嘗疑寰宇遼濶所在山川名勝何能一一摹擬則或得其一二輒畧而不詳其載記又文而不確遂使曠覽遐思寄之夢寐想像間也後雖走關中歷邊徼卽有傳聞大都離田間俗父語亦安能使名山大川之瑰麗以及遺踪往蹟之離奇瞭然如指諸掌哉吾族震青自岷峨歸出蜀道雜記示余諷覽一過見其寫景周密紀事詳悉凡軍中容止與境內形勢條分縷析畫如指掌卽井落事蹟雕模存以靡不具恍置身其間聆清商而奏雅引不禁情

諫慎堂文集

卷之一序

初編

移神往也至其文之機杼有脫卸有層折有迴旋簡峭精銳連絡如貫珠何難頡頏鄭生柳子哉吾家素以武功啓世奕葉不傳而震青能以英年浮厲繼序前徽洵可謂昂昂千里駒矣使族氏之謀裕輶鈴班聯丹陛者亦能幕效於金戈鐵馬中皆留心民物立功立言佐致治於無疆予將持麈尾攜醇酒嘯歌一堂而共談濟美之盛事不幾偉與不幾偉歟